

BOSNA I HERCEGOVINA
FEDERACIJA BOSNE I HERCEGOVINE
UNSKO - SANSKI KANTON
OPĆINA KLJUČ
OPĆINSKI NAČELNIK

Služba za stručne poslove Općinskog načelnika i
Općinskog vijeća, opću upravu i društvene djelatnosti

Broj: 02-02-1583/25
Ključ, 14.7.2025. godine

Na osnovu člana 40. Statuta Općine Ključ - prečišćeni tekst („Službeni glasnik Općine Ključ“, br. 3/10 i 3/11) Općinski načelnik općine Ključ raspisuje:

**Javni konkurs
za izradu idejnog rješenja grba i zastave Općine Ključ**

Pravo učestvovanja na Konkursu imaju sve pravne i fizičke osobe, izuzev članova Komisije za izradu Statuta Općine Ključ koja će izvršiti odabir 3 (tri) prijedloga i uputiti Općinskom vijeću Općine Ključ na usvajanje.

I Opšti uslovi

1. Grb i zastava moraju biti izrađeni shodno uobičajenoj praksi, heraldičkoj i veksilološkoj.
2. Grb mora biti dizajniran tako da sadrži važnija geografska, historijska i druga obilježja teritorije općine Ključ. Rješenje može sadržavati obilježja koja su sadržana i na sadašnjem grbu Općine Ključ, ali i odražavati i druga obilježja općine Ključ.
3. Oblik i forma grba moraju omogućavati tehniku štampanja u više boja i da se grb, kao simbol, može koristiti za izradu plaketa, povelja, znački, javnih priznanja, suvenira i slično.
4. Broj, raspored i sadržaj polja na predloženom obliku grba mora biti primjeren heraldičkoj praksi.
5. Grb raditi u osnovnoj varijanti.
6. Zastava je pravougaona, u razmjeri 1:2.
7. Na zastavi se nalazi novi grb Općine Ključ.

II Posebni uslovi - prezentacija grafičkog rješenja grba i zastave

1. Crteži kojima se predstavlja prijedlog idejnog rješenja grba i zastave moraju biti rađeni na računaru, u boji i dostavljeni na zasebnim listovima formata A4.
2. Svaki od navedenih listova koji sadrži prijedloge mora biti zasebno obilježen šifrom i brojem.
3. Za grb, uz crteže u boji, na posebnom listu formata A4 mora se dostaviti i crno-bijela varijanta istog rješenja.

4. Uz crteže neophodno je dostaviti i blazon - tekstualni opis sadržaja grba i zastave (jedan zajednički tekst za oba simbola). Tekst blazona treba da bude dostavljen u štampanom obliku na formatu A4.
5. Pored dostave crteža na papiru, prijedlog rješenja se dostavlja i u elektronskoj formi na USB stik-u.
Elektronski primjerak treba da bude dovoljne rezolucije za eventualno štampanje velikih formata (JPG, PDF, PNG...).

III Dostavljanje radova i način odabira

Paket (koverta) u kome se dostavljaju radovi mora sadržavati dvije koverta. U prvoj koverti (na kojoj je napisana samo šifra autora) nalaze se navedeni crteži i USB stik. Druga koverta mora biti zatvorena i na njoj napisana samo šifra autora, a u njoj se na listu formata A4, u štampanoj formi dostavljaju i podaci o učesniku Konkursa (prezime, očevo ime, ime, adresa stanovanja, broj telefona, e-mail adresa), kao i pisana izjava autora da ukoliko bude nagrađen, svoje autorsko pravo automatski prenosi na Općinu Ključ i da je ponuđeno rješenje lična kreacija autora.

Svaki učesnik Konkursa može učestvovati sa više radova, ali svaki rad mora biti dostavljen Komisiji kao posebna pošiljka (rad) i sa posebnom šifrom i traženim sadržajem.

Radovi se dostavljaju u paketu (koverta), bez imena i prezimena pošiljaoca, pod šifrom na poledini svakog prijedloga, najkasnije do 15,00 sati poslednjeg dana Konkursa na adresu:

Općina Ključ
Komisija za izradu Statuta Općine Ključ
ul. Branilaca BiH 78
79280 Ključ

sa naznakom: Javni konkurs za izradu idejnog rješenja grba i zastave Općine Ključ - ne otvarati.

Konkurs traje do 15.8.2025. godine i objaviće se na web stranici Općine Ključ: www.opcina-kljuc.ba i sredstvima javnog informisanja.

Radovi koji budu stigli nakon isteka roka Konkursa neće se uzimati u razmatranje.

Nepotpuni prijedlozi idejnih rješenja, što na početku pregleda dospjelih radova zapisnički ustanovljava Komisija, takođe se neće uzimati u razmatranje.

Svaki učesnik Konkursa dostavom svog rada prihvata sve uslove i propozicije ovog Konkursa. Komisija nije u obavezi izvršiti izbor prijedloga grba i zastave ukoliko zaključi da nijedan rad ne zadovoljava kriterije Konkursa.

Komisija ima pravo od autora, čiji rad bude izabran i predložen za grb i zastavu Općine Ključ, tražiti doradu ili izmjene pojedinih elemenata grba i zastave, što je autor obavezan da prihvati, osim u slučaju da izmjena mijenja karakter njegovog prijedloga.

Komisija će po završetku Konkursa zapisnički pregledati sve dospjele radove u roku do 10 dana, izvršiti odabir 3 (tri) najbolja prijedloga i uputiti ih Općinskom vijeću na usvajanje i donošenje konačne odluke.

Odluka Općinskog vijeća Općine Ključ će se dostaviti svim učesnicima Konkursa.

Općinsko vijeće Općine Ključ nije u obavezi izvršiti izbor grba i zastave ukoliko zaključi da nijedan rad ne zadovoljava i u tom slučaju može se odlučiti i za ponavljanje Konkursa.

Autor čiji prijedlog rješenja bude izabran i nagrađen, saglasan je sa prenosom svih autorskih prava i potraživanja po osnovu svog rada, osim moralnih, na Općinu Ključ.

Autor čiji prijedlog rješenja bude izabran ima pravo na novčanu nagradu u neto iznosu od 1.500,00 KM (hiljaduipetsto konvertibilnih maraka).

Za izabrani drugi i treci rad naknada autorima iznosi 500,00 KM (petsto konvertibilnih maraka) i 300,00 KM (tristo konvertibilnih maraka).

Porezne obaveze snosi Općina Ključ.

Radovi se ne vraćaju autorima.

Isplatom predviđenih nagrada autorima završavaju se uzajamne obaveze po odredbama ovog Konkursa.

Za sve informacije, kontakt osoba:

Adis Egrić , telefon: 037 316 239, mob: 061 624 994,

e-mail: drustvene.djelatnosti.kljuc@gmail.com



OPĆINSKI NAČELNIK

dr. sc. Jasmin Musić